

# HYLLI I DRITËS

*Ubi Spiritus Domini, ibi libertas.*

(II. ad Cor. III. 17).

---

## Breznis së ré

Fq. 513

### ÇASHTJE EKONOMIKE

Buxheti i Shtetit dhe financë e ekonomí e vendit .. 520  
( *Gjilam* )

### PROBLEMI TURISTIK

Le Tourisme Albanais .. 526  
( *A. Szwendowski* )

### VJERRSHË

Eneida e Vergilit ( *F. Alkaj* ) .. 536

### PJESA HISTORIKE

Dorëshkrime të Bibliothekës Nacionale të Parisit .. 542  
( *Filip Fishta* )

Diletantizem historik .. 549  
( *Dr. A. Athanas Gegaj* )

### NOVELA E „HYLLIT“

(?) Nji pikëpyetje në mes dy parantezash .. 556  
( *Andre Skanjeti* )

### LETRATYRË BOTNORE E EDUKATË

Nji mendim historik mbi Aleksander Manzoni-n .. 564  
( *K.* )

Randësija e disiplinës .. 568  
( *Lin Çurçija* )

### RIVISTA E SHTYPIT

( *Jovilet* ) .. 570

( *Shqyrtuesi* ) .. 572

Lajme rrokull Shqypnis .. 573

Rreth hotës ( *B.* ) .. 574

Prralla. — Fash. 10. .. 73  
( *A. Donat Kurti* )



# B r e z n i s s ë r ë

Me pasë per të pëvetë se cilli është caku e qellimi i perpjekëjevet të gjeneracionit të ri shqyptar, shum kush kishte per të luejtun kryet — ndoshta edhe synin ndo 'i tjetrit qi gjindet per brî — e me e mbajtë si të paveshttrim, si të kotë nji pëvetje të tillë. Së kan me mungue edhe asish qi do t' a merrshin si tendencjoze...

Në mentalitetin e pergjithëshem të shumicës mbretnon nji konvinkejon, të thuesh, fanatik se problemi i perpjekëjes e i bashkveprimit per nji ideal jo kimerik, por të pershtatëthem, është i pamundun. Æsht nji fakt ky qi të bjen dita me ditë me e prekë si me thanë me dorë e këta shi nder njato qarqe, prej të cillavet mund do të pritëte njeri mâ me arrsyë jo vetem pergjigje të gatshme, por edhe inicjativa plot dynamizem a fuqí. Per kê don me pá shka është e nuk dron me shprehë shka sheh, gjeneracioni i ri është i lëshuem zembre. Nuk ká besim në vetveti e mohon deri mundsin e njij bashkveprimi të pergjithëshem per të njajtin qellim. Edhë ata pak qi ritmisht per qellime fare të perditëshme së prâjn tuj u çpallë si propagandistat e unjisimit kombtar — e tjerët qi pernjimend e në fund të shpirtit të tyne paten gjith vullndesen e mirë per realizimin e perpjekëjes shqyptare, janë të bindun sod se problemi i sajë nder né është në fazen e parë të veten. Vetë eksistenca e këtij problemi është nji shêj i kjartë se endë nuk kemi mërrijtë n' at gjëndje sá me kënë e suponueme e e nenkuptueme këjo perpjekëje e ky bashkveprim.

E prá brëzi i ri nuk është ekskluzivisht fajtuer per ket demoralizim kaq t' ultë.

Tuj dashtë me kerkue e me analyzue, si na perket, kavít e kësajë gjendje shpirtnore rrmbyese, thomi se çë do

